

# CONSELLERÍA DE CULTURA, EDUCACIÓN E ORDENACIÓN UNIVERSITARIA

Organismo: DIRECCIÓN GENERAL DE CENTROS E RECURSOS HUMANOS

Capítulo:	
Epígrafe:	
(Para cubrir no "Diario Oficial de Galicia")	

## SUMARIO:

**Resolución do 14 de maio de 2013 da Dirección Xeral de Centros e Recursos Humanos, pola que se fan públicas as listas provisorias de admitidos e excluídos dos procedementos selectivos de ingreso no e acceso do corpo de inspectores de educación e de mestres e procedemento de adquisición de novas especialidades polo persoal funcionario de carreira do corpo de mestres da comunidade autónoma de Galicia.**

## TEXTO:

(Escribir a dous espazos)

Para dar cumprimento na forma máis adecuada ao disposto na base cuarta da Orde do 23 de marzo de 2013 (DOG do 4 de abril), pola que se convocan procedementos selectivos de ingreso e acceso ao corpo de inspectores de educación e de mestres e procedemento de adquisición de novas especialidades polo persoal funcionario de carreira do corpo de mestres da comunidade autónoma de Galicia, esta Dirección Xeral de Centros e Recursos Humanos resolve:

Primeiro.- Facer pública no anexo I a relación de aspirantes admitidos que solicitaron tomar parte no mencionado procedemento selectivo.

Segundo.- Declarar excluídos, polas causas que se especifican, aos aspirantes que figuran no anexo II.

Terceiro.- No prazo de 10 días naturais desde o seguinte ao da publicación no Diario Oficial de Galicia desta Resolución, os interesados poderán interpoñer as reclamacións previstas no artigo 71 da Lei 30/1992 de 26 de novembro, de réxime xurídico das administracións públicas e do procedemento administrativo común, de acordo co disposto na base cuarta, punto 2, da Orde de convocatoria.

As reclamacións presentaranse en calquera das dependencias a que alude o artigo 38 da Lei de Réxime Xurídico das Administracións Públicas e do Procedemento Administrativo Común. En caso de que opte por presentar a reclamación ante unha oficina de correos, farase en sobre aberto, para que sexa datada e selada polo funcionario de correos antes de ser certificada.

Sen prexuízo do anterior as reclamacións poderanse presentar a través de fax 881999241, no caso dos mestres e ao 981545484 no caso de inspectores de educación ou a través do correo electrónico [persoal.primaria@edu.xunta.es](mailto:persoal.primaria@edu.xunta.es), ou [persoal.secundaria@edu.xunta.es](mailto:persoal.secundaria@edu.xunta.es) segundo proceda.

Cuarto.- O feito de figurar na relación de solicitantes non prexulga que se dean por válidas as condicións persoais do interesado que o lexitimen para participar no procedemento selectivo, cando da documentación que no seu momento teña que achegar non se deduza de maneira inequívoca o seu dereito a participar no mesmo, conforme ás esixencias da convocatoria.

Quinto.- No caso dos mestres, o feito de que figure a localidade solicitada non implica que sexa a localidade do exame. Esta determinarase na resolución da Dirección Xeral de Centros e Recursos Humanos polas que se fagan públicas a resolucións dos tribunais, polas que se anuncian as datas, horas e lugares nos que se fará o acto de presentación e se celebrará a primeira proba prevista na base décimo primeira da convocatoria.

Santiago de Compostela, 14 de maio de 2013  
José Manuel Pinal Rodríguez  
Dirección Xeral de Centros e Recursos Humanos

INSÍRASE NO DOG